

CONFIRMATIO INDVLTORVM Congreg.^{nis} S. Benedicti Hispaniarum

*Cum declarationibus, & ampliacionibus Sanctissimi
Domini Nostri VRBANI Papa VIII.*

MOTVPROPRIO edita.

1624



S. BENEDICTVS

ROMAE Ex Typographia Camerae Apostolicæ.
MDCXXIV.

Instante Fr. Alfonso de Truxillo Professo ex Cœnobio Mon-
ferratensi, & eiusdem Congregationis in Curia
Romana Procuratore Generali.

CONFERMATIO INDULTORVM
Congreg. S. Benedicti Hispaniarum

Sum declarationibus, & ampliationibus Zambianis
Domini Nostri Vrbani Pape VIII.
MOTV PROPRIO edita.

1674



ROMAE Ex Typographia Cameræ Apostolicæ
MDCXLV

Instante Fr. Alonzo de Truxillo Professo ex Convento Mon.
terraceni, & eiusdem Congregationis in Curia
Romana Procuratore Generali.

VRBANVS EPISCOPVS

Seruus seruorum Dei.

AD PERPETVAM REI MEMORIAM.



IN sacra Beati Petri Sede nullis nostris meritis, sed inscrutabili supremi Patris providentia in plenitudinem potestatis assumpti, ad gloriosum Confessorē, & Abbatem Monachorum Patriarcham & Ducem, iustorumq. omnium Spiritu plenum Sanctum Benedictum, quasi vitem Coelesti rore madidam, cuius foecundi palmites, toto ferè Terrarum Orbe fructiferè diffusi abundantis fluminis instar fontibus aqua salutaritari manantibus Vineam dextera Domini plantatam irrigare non cessant, mentis nostræ dirigentes intuitum ad ea inter cæteras nostris humeris licet imparibus, graui mole impositas curas inuigilandum esse arbitramur, quæ pro Religiosarum personarum quarumlibet, præsertim sub Illustri eiusdem Sancti Benedicti Vexillo militantium, & Altissimo famulantium pace, quiete, prosperoq. regimine à Romanis Pontificibus prædecessoribus nostris con-

309

A 2 cessa

4
cessa, statuta, ordinata, & stabilita fuisse dignoscuntur, eaq. vt inuiolabilius ab omnibus perpetuò obseruentur Pastoralis officij nostri vigilantia partes prædecessorum eorundem vestigijs in hæredo fauorabiliter interponimus & ne aliqua in posterum super decretis ab eisdem prædecessoribus desuper prouidè emanatis exurgat in exitium animarum difficultas, sed vt omnis dubitationis ansa quæ circa eoriri possunt, & iam forsân suborta fuisse intelliguntur, de medio tollatur, sacrumq. regularis obedientia vinculum consolidetur, prædecessorum eorundem facta & decreta declarationis nostræ ministerio confouemus, ac alias vltro desuper disponimus prout rerum qualitatibus debite pensatis, conspiciamus in Domino salubriter expedire. Dudum siquidem postquam fel. rec. Alexander iij. & Pius ij. ac Innocentius viij., nonnulliq. forsân alij Romani Põtifices Prædecessores nostri, per suas perpetuò valituras Constitutiones inter cætera statuerunt, quod personæ regulares Cisterciensis Ordinis aliquo prætextu vel occasione ab ordinationibus & correctionibus quibuscunque tam suorum Abbatum, & Prælatorum, quam etiã Abbatis, & Capituli Generalis appellare, & causas ac querelas suas extra dictum Ordinem educere non valerent, sed pro notoria & manifesta iniustitia, & in euentum denegata iustitia à Capitulo Generali ad Sedem Apostolicam tantum appellare, & recursum habere
pos-

possent, recondendæ memoriæ Gregorius Papa xij. etiam Prædecessor noster nonnulla Statuta per tunc existentes Abbatem Generalem ac nonnullos alios Religiosos Congregationis regularis obseruantia Sancti Benedicti Regnorum Hispaniarum in vim facultatum, eis ab eadem Sede concessarum condita ad petitionem & instantiam etiam tunc existentium Generalis, & aliorum Abbatum, ac Diffinitorum, necnon totius Congregationis huiusmodi sub datum videlicet Romæ apud Sanctum Petrum Anno Incarnationis Dominicæ Millesimo Quingentesimo Septuagesimo primo, Quarto Idibus Februarij Pontificatus sui anno primo, limitando & moderando, quod Congregatio, seu illius Generalis, & alij Abbates, ac Diffinitores huiusmodi de totius Congregationis prædictæ consensu in eorum Capitulo Generali prædicta Statuta, sic per ipsum Gregorium prædecessorem limitata & moderata, necnon etiam alias ipsius Congregationis Constitutiones non obstante quod huiusmodi Constitutiones per Sedem prædictam confirmatæ essent quoties videretur dictæ Congregationi conuenientius comutare valerent statuit & ordinauit, seu eisdem Generali, & Abbatibus, ac Diffinitoribus licentiam & facultatem desuper concessit. Et successiuè pia memoriæ Clemens etiam Papa viij. similiter Prædecessor noster præmissa sic per Alexandrum, & Pium, ac Innocentium, necnon for-

*Facultas
condendi,
& annul-
landi Con-
stitutiones
etiã à Sei-
de Aposto-
lica confir-
matas, per
Greg. xij.
concessit,
narratur.*

*+ in melius et con-
uenientius. ut
sic in bulla Greg. xij.*

san alios primodictos Prædecessores eorum
Constitutionibus , Statuta in Congregatione
huiusmodi Regularis obseruantia eiusdem
Sancti Benedicti Vallisoletan. dictorum Re-
gnorum, quæ sub Regula ipsius Sancti Bene-
dicti militare dignoscebatur , & etiam nunc
militat , ac eisdem priuilegijs quibus dictus
Cisterciensis Ordo utitur per communicatio-
nem utebatur , & gaudebat inuiolabiliter ob-
seruari , maximè decere iudicans , summope-
rèq; cupiens eiusdem Congregationis quieti ,
& prospero regimini opportunius etiam con-
sultare , Motu suo proprio , ex voto tamen Ve-
nerabilium Fratrum suorum Sanctæ Romanæ
Ecclesiæ Cardinalium negotijs , regularium
tunc præpositorum Constitutiones Alexandri,
& Pij, ac Innocentij , & forsân aliorum primo-
dictorum Prædecessorum , literasq. desuper
confectas , & in eis contenta quæcunque Apo-
stolica autoritate approbavit , confirmavit , &
innouavit , illisq. perpetuæ , & inuiolabilis
Apostolicæ firmitatis robur adiecit , ac eas in
dicta Congregatione Regularis obseruantia
Sancti Benedicti Regnorum Castellæ æquè , ac
si pro ea nominatim editæ fuissent sub pœnis
omnibus in illis contentis eo ipso incurrendis
inuiolatè perpetuò obseruari debere decreuit ,
& mandauit . Et nihilominus sua etiam per-
petuò valitura Cõstitutione sanciuit , ac etiam
statuit , & ordinauit , Quod perpetuis futuris
temporibus nulli omninò personæ dictæ Con-
gre-

gregationis, Regularis obseruantia Sancti Benedicti liceret ab ordinationibus, uisitationibus, correctionibus, reformationibus, priuationibus, depositionibus, alijsuè poenis, & sententijs suorum Abbatum, Visitatorum, aliorumq. Prælatorum, seu etiam Generalis, & Capituli generalis eiusdem Congregationis ad aliquem iudicem, siue Ecclesiasticum, siue secularem, aut aliam quamcunque personam quauis auctoritate, & dignitate etiam Regali, Ducali, aut alia mundana, vel etiam Archiepiscopali, Episcopali, seu etiam alia Ecclesiastica præfulgentes appellare, aut aliàs quomodo recursum habere, sed ab eorum Superioribus Ordinarijs ad Generalem, & ab illo ad Capitulum intermedium, ac ab eo ad Capitulum Generalem recurrere, & coram eis de eorum iuribus experiri iuxta dicti Ordinis, & Congregationis priuilegia, & regularia instituta tenerentur à prædicto tamen Capitulo Generali pro notoria, & manifesta iniuria, ac in euentum denegatæ iustitiæ ad Sedem prædictam dumtaxat, vt præfertur recurrere valerent. Ac insuper eiusdem Congregationis Generali, alijsq. Abbatibus, Abbatissis, Prioribus, Priorissis, & Monachis, Monialibus, ac vniuersis, & singulis vtriusque sexus regularibus personis perpetuò interdixit & prohibuit, ac in virtute sanctæ obedientiæ districtius præcipiendo mandauit, ne vllò vquam tempore ad quascunque personas seculares,

lares, & Ecclesiasticas, extra dictam Congregationem etiam Reges, Duces, & alios Principes seculares, necnon quoscunque in Ecclesiastica dignitate constitutos, Archiepiscopos, Episcopos, & alios Ecclesiasticos Prælatos scribere culpas Religiosorum, & pœnas, quibus plectuntur, tam per literas, & memorialia, quàm ore tenus per se, vel aliquam interpositam personam directè, vel indirectè, tacitè, vel expressè quouis quæsito colore, vel ingenio significare, & notas facere de eorum Prælati, aut de omnibus, & singulis vtriusque sexus eiusdem Cōgregationis regularibus personis supranominatis penes prædictas personas cōqueri, aut coram illis aliqua ipsorum Prælatorum, & dictarum personarum crimina obijcere, ab eisq. seu aliquo ipsorum personam, seu personas, vt Capitulo generali assistant, petere auderent, seu præsumerent, qui verò in aliquo præmissorum contra huiusmodi Motus proprii tenorem venire, aut aliquid attentare præsumpsissent, eos perpetuæ priuationis actiue, & passiuè vocum, ac Dignitatum officiorum, & administrationum quarumcunque, necnon inhabilitatis ad illa, & alia in posterum obtinenda, carcerisq. mancipationis vnus anni in cuius omnibus quartis, & sextis Ferijs disciplinam in Capitulo susciperent, & in refectorio panem, & aquam tantummodo in terra manducarent, pœnas ad quas incurrendas solæ appellationum interpositiones, ac literæ, aliaq.

aliaq. contra tenorem huiusmodi attentata, ubique, tam in iudicio, quam extra, fidem facerent, eo ipso incurrisse, & incurere declarauit, poenasq. huiusmodi à Capitulo generali tantum remittendas contra eos irremissibiliter infligit, & promulgauit, mandando etiam in virtute eiusdem sanctæ obedientiæ vniuersis, & singulis Archiepiscopis, Episcopis, & alijs Ecclesiarum Prælati, seu vt præfertur in dignitate Ecclesiastica constitutis, ac alijs personis Ecclesiasticis, vt pro dictæ Congregationis quiete illius Religiosos quoscumque ad eos forsitan recurrentes, contra præmissa delinquentes eorum Superioribus relinquerent, nec illis aliquo modo contra eiusdem Motus proprii tenorem fauerent, aut delinquendi occasionem præberent. Reges autem, Duces, & Principes temporales paternè in Domino hortando, vt qui libertatem Ecclesiasticam, & Religiosorum quietem, tanquã verè Catholici Principes tueri tenebantur, & tenentur, ipsius Congregationis prosperum, & pacificum statum, qui ex præmissorum obseruatione maxime pendeat, conseruari curarent, & studerent. Voluitq. idem Clemens Prædecessor inter alia, quod huiusmodi Motus proprius, seu Literæ Apostolicæ desuper sub datum, videlicet, Romæ apud Sanctum Marcum sub annulo Piscatoris die decima Octobris anni Domini Millesimi, quingentesimi, nonagesimi septimi, Pontificatus sui anno sexto expeditæ

*Sicut dicitur Congregi
aduersus conuentum
sⁿⁱ Benedicti Valliso
letan. narratio.*

inter Statuta, & Diffinitiones eiusdē Cōgrega-
tionis perpetuò obseruandus, vel obseruandæ
describerentur. Ac postmodum per similis re-
cordationis Paulum similiter Papam Quintum
pariter Prædecessorem nostrum, accepto,
quod dudum inter Congregationem Mona-
chorum Reformatorum nuncupatorum Or-
dinis Sancti Benedicti Hispaniarum ex vna, ac
Monachos, & Conuentum Monasterij eiusdem
Sancti Benedicti Vallisoletan. Ordinis, & Con-
gregationis eorundem partibus ex altera à
quam pluribus annis, & controuersia mota
erat super iure eligendi Abbatem Generalem
dictæ Congregationis, eo quod Monachi dicti
Monasterij sub prætextu, quod ab ipsis refor-
matio, seu aggregatiō ipsius Congregationis
emanasset, dictumq. Monasterium per anti-
quas eiusdem Congregationis Constitutiones
à Sede prædicta confirmatas caput reliquo-
rum dictæ Congregationis Monasteriorum
diceretur ad ipsos potius Monachos, & Con-
uentum Vallisoletan., quam ad totam Con-
gregationem electionem huiusmodi Genera-
lis spectare & spectasse, ac per aliquos annos
habuisse vel saltem ipsi Congregationi non
liberam omninò electionem huiusmodi tam
actiuè, quam passiuè, sed alternatis vicibus,
& Congregationi, & Conuentui modo actiuè,
modo passiuè debere concedi, ac ita per fel.
rec. Pij Papæ V. & ipsius Clementis prædeces-
sorum nostrorum, tunc suorum literas con-

cessum, & statutum fuisse prætendebant. Et cum è contra dicta Congregatio ad ipsam in qua omnes illius Abbates, ac etiam ipse Abbas Generalis, necnon omnes Monachi, & Conuentus continebantur huiusmodi Generalis, & Superioris electionem, ac facultatem de iure spectare, & per plures Romanorum Pontificum prædecessorum nostrorum, etiam tunc suorum Constitutiones, potestatem liberam tam in statuendo, quam in eligendo fuisse sibi concessam, dictasq. Pij V. & Clementis prædecessorum huiusmodi literas etiam fuisse obreptitiè, & subreptitiè obtentas allegasset, ac de earum nullitate, & grauamine, alijsq. molestationibus, & perturbationibus inde sequutis in graue Religionis, & obedientiæ præiudicium coram sancta Sede, & dicto Clemente Prædecessore reclamasset, postquam idem Clemens Prædecessor causam, & causas huiusmodi dicto Paulo Prædecessori dum adhuc in minoribus constitutus Cardinalatus honore fungeretur, & bo. me. Pompeio tituli Sanctæ Balbinæ dum vixit Presbytero Cardinali Arigonio nuncupato audiendas, cognoscendas, fineq. debito terminandas omni, & quacūque appellatione remota, cōmiserat, dictusq. Paulus prædecessor subinde causa, & causis huiusmodi coram eo, & Pompeio Cardinale præfato diù hincinde tractatis adhuc tamē pendentibus indecisus ad Summi Apostolatus apicem euectus, similis memoriæ Hieronymum tituli

Sancti Blasij in annulo, etiam dum vixit Presbyterum Cardinalem Pamphilium nuncupatum in locum suum quoad causam, & causas ipsas subrogauerat, acceptoq. quod Pompeus, & Hieronymus Cardinales prædicti in executionem dictæ commissionis iuribus, ac munitis causas ipsas concernentibus ab vtraque partium huiusmodi productis, ijsq. diligenter visis, & consideratis, ac partibus ipsis sufficienter auditis, cognitisq. ad plenum eiusdem causæ meritis, necnon dicto Paulo prædecessore, super illis consulto per eorum sententiam definitiuam decreuissent, & declarauissent, vnam Pij V. sub datum nono kal. Iunii Pontificatus sui anno secundo. Et alteram Clementis prædecessorum prædictorum sub datum kalend. Martij Pontificatus sui anno primo Constitutiones prædictas subreptitias, & obreptitias fuisse & esse, ac illas necnon aliàs similis recordationis Pij iv. & Pauli iij. ac Paulij etiã iv. necnon Iulij ij. & Alexandri vj. ac quascunque aliàs quoruncunque Romanorum Pontificum prædecessorum nostrorum tunc ipsius Pauli v. prædecessoris, dictorumq. Congregationis, & Ordinis Constitutiones, ac omnia alia inde sequuta in quantum lædebant libertatem electionis, & sententiæ huiusmodi contrariæ erant, fuisse, & etiam esse annullandas, & reuocandas, ac annullanda, & reuocanda prout illas, & illa annullauerant, & reuocauerant, electionem Abbatis Generalis, & Superioris

rioris Monachorum dictæ Congregationis spectauisse, & pertinuisse, ac spectare, & pertinere ad ipsam Congregationem actiue, & passiuè, illamq. deinceps in suo Capitulo generali liberè etiam actiue, & passiuè eligere posse, debereq. in Generalem, & Superiorem Monachum ex toto gremio dictæ Congregationis in quocunq. illius monasterio professu, absque eo quod Monachi vnius Conuentus haberent in huiusmodi electione, tam actiue, quàm passiuè plus iuris, quàm habebant Monachi cæterorum monasteriorum eiusdem Congregationis, ita tamen quod Monachi dicti monasterij Vallisoletan. possent habere suum Abbatem particularem ad instar aliorum monasteriorum dictæ Congregationis, molestationes quoque, vexationes, perturbationes, & impedimenta quæcunque pro parte Monachorum dicti Monasterij Vallisoletan. eidem Congregationi de & super præmissis præstitas, & illatas, ac præstita, & illata etiam fuisse, & esse illicitas, iniquas, indebitas, & iniustas, ac illicita, iniqua, indebita, & iniusta, ac de facto factas, & facta, præsumptasq. & præsumpta, illasq. & illa eis facere minimè licuisse, nec de iure licere similiter declarauerant, perpetuumq. desuper silentium eis imposuerat. Idem Paulus prædecessor sententiæ huiusmodi iustitiam attendens, ac omnem inter Congregationem, & Monachos dicti Monasterij Vallisoletan. ex tunc de cætero super præmissis

sis litigandi materiam amouere cupiens, etiam
 Motu suo proprio, & de Apostolicæ potesta-
 tis plenitudine sententiam prædictam, & in
 ea contenta quæcunque, sub datum Romæ
 etiam apud Sanctum Marcum sub annulo Pi-
 scatoris die prima Septembris anni eiusdem
 Domini Millesimi sexcentefimi noni, Pontifi-
 catus sui anno Quinto etiam perpetuò appro-
 bavit, & confirmavit, ac illi perpetuæ, & in-
 uiolabilis Apostolicæ firmitatis robur adie-
 cit, omnesq; & singulos tam iuris, quàm facti
 defectus si qui in illa interuenissent, suppleuit,
 necnō à Monachis dicti Monasterij Vallisoletã.
 & omnibus alijs ad quos spectabat perpetuò
 obseruari debere decreuit. Et insuper quod ele-
 ctio Abbatis Generalis, & Superioris mona-
 steriorum dictæ Congregationis spectaret, &
 pertineret, ac spectare, & pertinere deberet
 ad ipsam Congregationem actiue, & passiuè.
 Quòd ipsa Congregatio posset, ac deberet,
 etiam deinceps in suo Capitulo generali liberè
 actiue, & passiuè eligere in Abbatem Genera-
 le, & Superiorem Monachum ex toto gremio
 dictæ Congregationis professum absq; eo quod
 monachi vnus Monasterij haberent in huius-
 modi electione tam actiue, quàm etiã passiuè,
 plus iuris, quàm habebãt monachi cæterorum
 monasteriorum eiusdem Congregationis, ita
 tamen quod Monachi dicti monasterij Valli-
 soletan. suum particularem Abbatem ad in-
 star aliorum monachorum dictæ Congrega-
 tionis,

tionis, vt præfertur, habere possent, etiam statuit, & ordinauit, ac alias prout in singulis prædecessorum prædictorum literis Apostolicis super præmissis omnibus, & singulis expeditis, necnon processu, sententiaq. huiusmodi plenius continetur. Cum autem sicut accepimus dicta Congregatio in eius Capitulo generali in possessionem decretorum, & statutorum per eundem Paulum V. prædecessorem circa huiusmodi nouum modum eligendi eius Generalem, & Superiorem iuxta formam, & tenorem sententiæ Pompei, & Hieronymi Cardinalium, ac literarum Apostolicarum Pauli V. prædecessoris prædictorum desuper expeditarum cum maximo eiusdem Congregationis Religiosorum applausu, immisa fuerit, ac ab inde citra in ea pacificè, & absque contradictione aliqua tunc hucusque non sine notabili ipsius Congregationis splendoris, diuiniq. cultus incremento continuauerit; & licet Abbas, & Conuentus dicti Monasterij Vallisoleran. præmissis acquiescere, eaq. inuiolabiliter obseruare debeant, & teneantur. Nihilominus veterem eorum huiusmodi præensionem renouare satagentes ad Charissimum in Christo Filium Nostrum Philippum huius nominis IV. Hispaniarum Regem Catholicum contra eorundem præmissorum formam, & tenorem recursum habuerunt, & videntes se ab eo nihil obtinere posse à pura, & sincera Superioris Generalis dictæ Congregationis

tionis obedientia sub prætextu, quod modus eligendi dictum Generalem mutatus fuerat, se subtrahere tentarunt, vel ad huiusmodi obedientiam ipsi Generali nisi forsan in exteriori præstandam minimè teneri, seù ab ea saltem in interiori exemptos esse prætere tendere cœperunt. Cumq. verendum sit ne propterea maxima inter ipsius Congregationis Monachos, & Religiosos cum Diuini cultus detrimento, ac totius Congregationis huiusmodi status perturbatione oriantur incommoda, vel iurgia, Nos qui pacem, & quietem inter fideles quoslibet præsertim Religiosos eos maximè, qui zelo deuotionis reformationem regularis disciplinæ amplexi sunt vigere sinceris desideramus affectibus attendentes, quod si præmissa quæ sic per Gregorium in fauorem ipsius Congregationis statuta, seù concessa, & per Clementem sancita, ordinata, interdicta, prohibita, mandata, declarata, inflicta, & promulgata, necnon per Paulum V. prædecessores præfatos, approbata, confirmata, decreta, ac etiam statuta, & ordinata fuerunt, vt præfertur etiam per Nos, & Sedem eandem approbarentur, confirmarentur, & innouarentur, aliaq. infra scripta fierent ex hoc profecto ipsius Congregationis imminente malo perturbationi, & dispèdio facilè occurreretur, paci, quieti, & tranquillitati Religiosorum, necnon etiam felici, & prospero Congregationis huiusmodi successui consuleretur. Mo-

*ms. fauor
 ip. huiusmodi
 fauoris*

tu nostro proprio nõ ad alicuius nobis desuper
 oblata petitionis instatiam, sed ex mera nostra
 voluntate, & ex certa scientia, deq. Apostoli-
 ca potestatis huiusmodi plenitudine, dilectos
 filios modernos Abbatem Generalem, ac om-
 nes, & singulos Monachos, & Religiosos dic-
 tæ Congregationis, eiusq. necnon illius mo-
 nasteriorum, & regularium locorum singula-
 res personas à quibusvis excommunicationis,
 suspensionis, & interdicti, alijsq. Ecclesiasti-
 cis sententijs, censuris, & poenis, à iure, vel ab
 homine quavis occasione, vel causa latis si
 quibus quomodolibet innodati existit ad effe-
 ctum præsentium dumtaxat consequendum,
 harum serie absolventes, & absolutos fore
 censentes, ac singulorum eorundem præde-
 cessorum nostrorum literarum, processusq.
 necnon sententiæ huiusmodi tenores, ac dat.
 etiam veriores præsentibus pro expressis ha-
 bentes ex voto Venerabilium fratrum nostro-
 rum eiusdem Sanctæ Romanæ Ecclesiæ Cardi-
 nalium negotijs regularium præpositorum,
 eadem statuta, seu concessiones, ordinatio-
 nes, mandata, declarationes, & decreta per
 Gregorium, & Clementem, ac Paulum Quintum
 prædecessores præfatos, vt præfertur in
 fauorem dictæ Congregationis facta, necnon
 sententiam, ac possessionem illius, decreto-
 rumq. prædictorum vigore adeptam huiusmo-
 di cum omnibus, & singulis clausulis, & de-
 cretis in Motu proprio tam Clementis, quam

*Privilegiū
 de statuen-
 do, & an-
 nullādo sta-
 tuta, etiā
 per Sedē
 Apostolicā
 approbata
 confirma-
 tur.*

Pauli v. prædecessorum eorūdem contentis, & comprehensis, cū omnibus, & singulis iudē legitime sequitis, & sequendis quibuscunque Apostolica autoritate tenore præsentium, etiā perpetuò approbamus, & confirmamus, illisq. perpetuæ, iniuolabilis, & irrefragabilis Apostolicæ firmitatis robore communimus, ac omnes, & singulos tam iuris, quàm facti, ac solemnitatū etiā quantumuis substantialium in eis forsan requisitarum, & omissarum defectus si qui desuper principaliter, vel accessorie, aut aliàs quomodolibet interuenerint supplemus, illaq. etiā innouamus, & quatenus opus sit de nouo concedimus. Et insuper quod perpetuis etiā futuris temporibus nulli omninò personæ ipsius Congregationis liceat ab ordinationibus, correctionibus, reformationibus, priuationibus, depositionibus, alijsuē poenis, & sententijs suorum Abbatum, Distinctorum, Commissariorum, aliorumq. Superiorum, seu etiā Generalis, & Capituli Generalis Congregationis huiusmodi non modo ad iudices, ac alias personas in eodem Motu proprio dicti Clementis prædecessoris, vt præfertur declaratos, & declaratas, sed nec ad nostrum, & eiusdē Sedis Nuntios in eisdē Regnis, pro tēpore cōmorātes appellare, aut aliàs quomodocunq. & quandocunq. recursū habere, sed ab eorum Superioribus Ordinarijs ad Generalem, & ab illo ad Capitulum intermedium nuncupatum, ac ab eodem Capitulo intermedio

*Clementis
viii. Motus proprius
circa recursum
sus confirmatur,
& ampliat.*

dio ad Capitulum Generale dictæ Congrega-
 tionis coram quibus de eorum iuribus experi-
 ri, & à Capitulo prædicto Generali pro noto-
 ria, & manifesta iniuria, ac in euentum denegata
 iustitiæ ad Nos, & Romanos Pontifices
 pro tempore existentes inmediate tantum
 recurrere teneantur, & respectiuè valeant. Per-
 petuo quoque auctoritate, & tenore præmis-
 sis statuimus, & ordinamus, eiusdemq. Con-
 gregationis modernis, & similiter pro tem-
 pore existentibus Generali, ac alijs Abbatibus,
 Abbatissis, Prioribus, Priorissis, Monachis,
 Monialibus, ac vniuersis, & singulis vtriusque
 sexus ipsius Congregationis regularibus per-
 sonis, motu, voluntate, scientia, ac de pote-
 statis plenitudine similibus interdiciamus, ac
 etiam prohibemus, & in virtute sanctæ obe-
 dientiæ distriçtè præcipiendo mandamus, &
 iubemus, nè ipsi, vel aliquis, aut aliqua eius-
 dem Congregationis persona singularis, qua-
 cunque præeminentia, superioritate, & aucto-
 ritate fungens, de cætero nullo vnquam tem-
 pore ad quascunque personas seculares, & Ec-
 clesiasticas extra dictam Cõgregationem, etiã
 Reges, Duces, & alios Principes seculares, nec-
 non quoscunque in dignitate Ecclesiastica cõ-
 stitutos etiam eiusdem Sedis Nuncios in eis-
 dem Regnis pro tempore commorantes, vel
 Archiepiscopos, Episcopos, aut alios quoscun-
 que, quacunque dignitate, & præeminentia
 fulgentes, vel auctoritate fungentes Prælatos

*Prohibe con precepto
 à todos los Religiosos
 el manifestar a suera
 en qualquiera manera
 culpas, ni penas exe-
 cutadas intra claustra.*

Ecclesiasticos scribere culpas Religiosorum,
 & pœnas, quibus plectuntur, tam per literas,
 & memorialia, quàm ore tenus per se, vel per
 aliam interpositam personam, directè, vel in-
 directè, tacitè, vel expressè, quouis quæsito
 colore, vel ingenio significare, & notas face-
 re de eorum Prælati, aut de omnibus, & sin-
 gulis vtriusque sexus eiusdem Congregationis
 regularibus personis supranominatis, penes
 prædictas personas conqueri, aut coram illis
 aliqua ipsorum Prælatorum, & dictarum per-
 sonarum crimina obijcere, ab eisq. seu aliquo
ipsorum personam, seu personas, vt Capitu-
lo generali assistant petere audeant, seu præ-
sumant, sub pœnis contra delinquentes in eo-
dem Motu proprio Clementis prædecessoris
 huiusmodi inflictis, & comminatis irremissibi-
 liter incurrendis, quas in aliquo præmissorum
 contrauenientes omnes, & singulos auctorita-
 te, & tenore paribus, etiam infligimus, &
 promulgamus, illasq. iuxta eiusdem Clemen-
 tis prædecessoris volûtatem in eos exequi de-
 bere volumus, & ordinamus. Mandantes pro-
 pterea expressè, ac in virtute eiusdè sactæ obe-
 dientiæ iniungentes dilecto filio moderno no-
 stro, ac etiam pro tempore existenti Nuncio
 in eisdem Regnis commoranti, ac vniuersis,
 & singulis, necnon quibuscunque venerabili-
 bus fratribus Archiepiscopis, Episcopis, ac di-
 lectis filiis alijs Ecclesiarum Prælati, vt præ-
 fertur in dignitate Ecclesiastica constitutis,
 alijs

alijs quoq. personis Ecclesiasticis, vt pro dictæ
 Congregationis quiete illius Religiosos quos-
 cunque ad eos, aut eorum aliquos forsan re-
 currentes cōtra præmissa delinquentes eorum
 Superioribus puniendos fideliter remittant, &
 relinquunt, nec ipsis delinquentibus aliquo
 modo cōtra præsentium literarum nostrarum
 tenorem faueant, aut delinquendi ansam
 præbeant. Charissimos verò in Christo Filios
 nostros Reges, & dilectos similiter filios Du-
 ces, & alios Principes temporales nobiles viros
 paternè in Domino hortamur, vt libertatē Ec-
 clesiasticam, & religiosorum quietem, tan-
 quam veræ fidei propugnatores, & defensores
 tueantur, ipsiusq. Congregationis prosperum,
 & pacificum statum, qui ex horum, alio-
 rumq. præmissorū obseruatione maximè pen-
 det, conseruari curent, & faciant. Præterea
 nè in posterum perpetuis futuris temporibus
 de vera, reali, actuali, & sincera obedientia
 Superiori Generali eiusdem Congregationis
 sic ex toto gremio illius Monachorum, vt præ-
 ferrur in ipsius Congregationis Capitulo Ge-
 nerali, iuxta modum in dicta sententia, &
 Motu proprio Pauli V. prædecessoris huiusmo-
 di electo, & in futurum eligendo præstanda in
 aliquo hæsitari contingat, ac ad tollendam,
 & extirpandam omnem, quæ circa præmissa
 euenire posset dubitandi, vel dissimulandi oc-
 casionem Motu, voluntate, scientia, & pote-
 statis plenitudine paribus, **Quod ex nunc in**
 futu-

*Integrita-
 tis priuile-
 giorum sē-
 per perse-
 uerātis de
 claratio.*

futurum per huiusmodi nouum modum eligendi dictum Superiorem Generalem nihil omninò eorum, quæ ad veram puram, & sinceram huiusmodi obedientiam, eidem Superiori Generali, sic vt præfertur electo, & etiam pro tempore eligendo, tam quoad ea, quæ ad personam ipsius Generalis, quàm etiam quoad omnia monasteria, necnon vtriusque sexus regulares personas eiusdem Congregationis, ac tam internè, quàm externè, & ex animo præstandam spectant, & pertinent etiam si ipse Generalis dicti Monasterij Vallisoletani Monachus in eo professus non fuerit, nec Abbatiali dignitate ad præsens fulgeat, immutatum, alteratum, aut in aliquo innouatum esse, vel fuisse, dici, vel censi. Immo ipsi Superiori Generali, iuxta præmissa, ac vt similiter præfertur electo, & eligendo eadem prorsus obedientia, & summissio, quæ alijs Abbatibus Generalibus in dicto Monasterio Vallisoletano electis, & forsan in eo professis præstatur in omnibus, & per omnia perinde, ac si ipse Superior Generalis sic electus in dicto Monasterio Vallisoletano professus, ac iuxta antiquum eligendi modum electus esset, tam ab Abbate, & Monachis eiusdem Monasterij Vallisoletani, ac ab eo decendentibus filiationibus, & vtriusque sexus subditis, quàm etiam ab omnibus, & singulis vtriusque sexus alijs ipsius Congregationis regularibus personis modernis, & pro tempore existentibus, præstari, ipsumq. Superio-

periores Generalem electum, & de cæteris etiam perpetuis futuris temporibus pro tempore eligendum, necnon etiam omnes, & singulos similiter utriusque sexus singulares personas, & ipsam Cōgregationem communiter, vel diuissim eadem prorsus iura, obuentiones, emolumenta, & utilitates habere, & contēqui, ac omnibus, & singulis libertatibus, immunitatibus, honoribus, prærogatiuis, præeminentijs, priuilegijs, gratijs, & facultatibus spiritualibus, & temporalibus, quibus alij ipsius Congregationis Generales antea, cum ipsi Superiores Generales, videlicet, Abbatis, & etiam Generalis dignitatibus fulgebant, utebantur, fruebantur, potiebantur, & gaudebant, ac uti, frui, potiri, & gaudere poterant similiter, & pariformiter, ac æquè principaliter absque vlla prorsus differentia, in omnibus, & per omnia, etiam quoad insignia Abbatialia, uti, frui, potiri, & gaudere debere, nec eum, vel eorum aliquem à quouam desuper sub dicto, & quibusuis alijs prætextibus, aut quouis alio quæsito colore, vel ingenio, causaq. & occasione ab aliquibus quauis auctoritate fungentibus, vel dignitate, & excellentia fulgentibus vlllo vnquam tempore molestari, impediri, inquietari, aut perturbari posse auctoritate, & tenore paribus perpetuò quoq. statuimus, & declaramus. Decernentes omnia, & singula præmissa, necnon easdem præsentēs nostras literas etiam si nulla legi-

*Legitimi
usus pri-
uilegiarum
post senten-
tiam in
causa Val-
lisolletan.
declaratio*

*Generali
etiam non
Abbati,
conceditur
uti insi-
gnijs Abba-
tialibus.*

legitima causa subsistente, & etiam de facto
 præcesserint, aut ex aliqua alia quantumuis
 legitima, & iuridica etiam de necessitate ex-
 primenda causa, seu prætextu etiam ex eo
 quod dilecti filij Vallisoletan. prædicti, ac
 quorumcunque aliorum eiusdem Congrega-
 tionis Monasteriorum Monachi, aut quicumque
 alij in præmissis interesse habentes, vel habe-
 re prætendentes illis non consenserint, ad eaq.
 vocati, & causæ propter quas illa fiant, vel
 facta sint coram nobis, vel aliàs examinatæ,
 iustificatæ, & verificatæ non fuerint. seu ex
 quocunque alio capite, vel causa quantumuis
 legitimo, & iuridico, ac legitima, & iuridica,
 de subreptionis, vel obreptionis, seu nullita-
 tis vitio, aut intentionis nostræ, vel quopiam
 alio defectu notari, impugnari, retractari,
 annullari, vel inualidari, seu in ius, aut contro-
 uersiam vocari, ad viam, & terminos iuris reduci,
 aut aduersus illas quodcunque iuris, gratiæ,
 vel facti remedium impetrari, vel concedi nul-
 latenus vnquam posse, neque sub quibusuis
 similibus, vel dissimilibus gratiarum reuoca-
 tionibus, suspensionibus, limitationibus, aut
 alijs contrarijs dispositionibus per Nos, vel
 successores nostros Romanos Pontifices pro
 tempore existentes, Sedemq. prædictam sub
 quibusuis verborum formis, & expressionibus
 etiam Motu, scientia, ac de potestatis plenitu-
 dine similibus pro tempore factis comprehen-
 di, sed tanquam pro felici dictæ Congrega-
 tio-

tionis statu, gubernio, regimine, & administratione, ac pace, & quiete, ac tranquillitate inter illius Religiosos concilianda, augenda, & conseruanda, diuiniq. cultus incremento concessas semper ab illis exceptas, & quofies illæ emanabunt, toties in pristinum, & eum, in quo antea quomodolibet erant, statum restitutas, repositas, & plenariè reintegratas, ac de nouo etiam sub quacunque posteriori data per ipsius Congregationis Superiores, quandocunque eligenda, etiam de nouo concessas validasq. & efficaces esse, & fore, suosq. plenarios, & integros effectus fortiri, & obtinere, Sicq. & non aliter per quoscunque Iudices, & Commissaries, etiam causarum Palatij huiusmodi Auditores, ac ipsius Sanctæ Romanæ Ecclesiæ Cardinales, etiam de latere Legatos sublata eis, & eorum cuilibet quauis aliter iudicandi, & interpretandi facultate, & auctoritate iudicari, & diffiniri debere. Irritum quoque, & inane quicquid secus super his à quoquam quauis auctoritate scienter, vel ignoranter contigerit attentari. Ac tandem eidem Moderno, & similiter pro tempore existenti eiusdem Congregationis Superiori Generali tenore earundem præsentium committimus quatenus eadem præmissa omnia, & singula statim post præsentium nostrarum literarum receptionem in ipsius Congregationis omnibus, & singulis vtriusque sexus Monasterijs publicari, eaq. omnia tam per se,

quam per dilectos filios Visitatores Ordina-
rios, omnesq. alios inferiores eiusdem Con-
gregationis regulares personas, ab omnibus, &
singulis illius regularibus personis inuolabili-
ter, & inconculse obseruari mandet, & faciat
contradictores, & inobedientes quoslibet su-
pradictis, ac quibusuis alijs pœnis iuxta dictæ
Congregationis regularia statuta, alijsq. oportu-
nis iuris, & facti remedijs appellatione om-
ninò postposita compescendo. Quocirca Ve-
nerabili Fratri nostro Episcopo Gadicensi, & ei-
dem Nuncio, ac dilecto filio causarum Curie
Camerae Apost. Generali Auditori, pro facilio-
ri, validioriq. præsentium earundem obserua-
tione, ac totius ipsius Congregationis Sancti
Benedicti potiori cautela per Apostolica scripta
mandamus quatenus ipsi vel duo, aut vnus eo-
rum per se, vel alium, seu alios, quoties, vbi,
& quando pro parte Superioris, vel Congre-
gationis Generalis, aut Monachorum, & Re-
ligiosarum personarum Regularis obseruan-
tiæ eiusdem Sancti Benedicti, aut alicuius eo-
rum fuerint requisiti solemniter publicantes
eisdem Superiori, vel Congregationi generali,
aut Monachis, & Personis, vel quibusuis eo-
rum in præmissis efficacis defensionis præsi-
dio assistentes faciant auctoritate nostra easdem
præsentes nostras literas, & in eis contenta
quæcunque ab omnibus ad quos spectat, &
pro tempore quomodolibet spectabit in futu-
rum firmiter, & inuolabiliter obseruari.

Non

Non permittentes eosdem Superiorem, vel Congregationem generalem, aut Monachos, & Personas, vel aliquos eorum desuper à quocumque quomodolibet indebitè molestari, impediri, aut perturbari, contradictores quoscumque, & rebelles præmissis contrauenientes per sententias, censuras, & pœnas Eccl. necnon alia etiã opportuna iuris, & facti remedia appellatione, vt præfertur, postposita, similiter cõpescendo, ac legitimis super his habendis seruatis processibus, sententias, censuras, & pœnas huiusmodi etiam iteratis vicibus seruata forma Concilij Tridentini, aggrauando, inuocando ad hoc, si opus fuerit, brachij secularis auxilio. Non obstantibus præmissis, ac etiam felicis recordationis Bonifacij similiter Papæ viij. etiam prædecessoris Nostri, qua cauetur nè quis extra suam Ciuitatem, vel Diœcesim nisi in certis tunc expressis casibus, & in illis vltra vnam dietam à fine suæ Diœces. ad iudiciũ euocetur, seu nè Iudices à Sede prædicta deputati extra Ciuitatem, vel Diœcesim in quibus deputati fuerunt contra quoscumque procedere, aut alij, vel alijs vices suas committere præsumant, & in Concilio generali edita de duabus dietis dummodo vltra tres dietas quis vigore earundem præsentium ad iudicium non trahatur, necnon quatenus opus sit nostra, & Cancellariæ Apostolicæ regula, de iure quæsito non tollendo, alijsq. quibusvis Constitutionibus, & Ordinationibus Apo-

stolicis, necnon Congregationis, ac Valliso-
 letan. huiusmodi, & aliorum quoruncunque
 illius Monasteriorum etiam iuramento, con-
 firmatione Apostolica, vel quavis firmitate
 alia roboratis, statutis, & consuetudinibus,
 legibus, & vsibus, priuilegijs quoque indultis,
 & literis Apostolicis illis, eorumq. Superiori-
 bus, Officialibus, alijsq. quibusuis personis
 sub quibuscunque tenoribus, & formis, ac
 cum quibusuis etiam derogatorijs deroga-
 torijs, alijsq. efficacioribus, efficacissimis, &
 insolitis clausulis, irritantibusq. & alijs De-
 cretis in genere, vel specie, etiam Motu pro-
 prio, & etiam Consistorialiter, ac alias in-
 contrarium forsan quomodolibet concessis,
 confirmatis, & innouatis, quibus omni-
 bus, etsi de illis, eorumq. totis tenoribus spe-
 cialis, specifica, expressa, & indiuidua, ac de
 verbo ad verbum, non autem per clausas ge-
 nerales idem importantes mentio, seu quæuis
 alia expressio habenda, aut aliqua alia exquisi-
 ta forma ad hoc seruanda foret, tenores hu-
 iusmodi, ac si de verbo ad verbum nihil præ-
 fissus omisso, & forma in illis tradita obserua-
 ta, inserti forent, præsentibus pro expressis
 habentes illis alijs in suo robore permanens,
 hac vice duntaxat harum serie latissimè, &
 plenissimè derogamus, ac derogatum esse, &
 fore volumus, cæterisq. contrarijs quibuscun-
 que. Aut si aliquibus communitet, vel di-
 uisim ab eadem sit Sede indultum, quod inter-
 dici,

dici, suspendi, vel excommunicari non possint per Literas Apostolicas non facientes plenam, & expressam, ac de verbo ad verbum de indulto huiusmodi mentionem, & qualibet alia dictæ Sedis indulgentia generali, vel speciali cuiuscunque tenoris existat, per quam præsentibus non expressam, vel totaliter non insertam effectus huiusmodi gratiæ impediri valeat quomodolibet, vel differri. Et de qua cuiusque toto tenore habenda sit in nostris literis mentio specialis. Volumus autem quod eadem præsentibus nostræ literæ inter alia statuta, & diffinitiones eiusdem Congregationis Sancti Benedicti perpetuis futuris temporibus inuiolabiliter obseruandæ describatur. Quodque earundem nostrarum literarum transumptis, etiam impressis manu Secretarij dictæ Congregationis S. Benedicti, vel alicuius Notarij publici, necnon sigillo ipsius Congregationis, vel alicuius personæ in dignitate Ecclesiastica constitutæ signatis, & munitis, indubia vbique in iudicio, & extra illud eadem fides adhibeatur, quæ eisdem literis nostris adhereretur si forent originaliter exhibitæ, vel ostensæ. Nulli ergo omninò hominum liceat hanc paginam nostræ absolutionis, approbationis, confirmationis, communitiois, suppletionis, innouationis, nouæ concessiois, interdicti, prohibitionis, iussiois, pœnarum inflixiois, promulgationis, iniunctiois, hortationis, declarationis, commissio-

nis,

nis, mandati, derogationis, singularumq. volū-
tatum decretorum, statutorum, & ordinatio-
num infringere, vel ei ausu temerario contrai-
re. Si quis autem hoc attentare præsumpse-
rit, indignationem omnipotentis Dei, ac Bea-
torum Petri, & Pauli Apostolorum eius, se-
nouerit incursum. Datum Romæ apud san-
ctam Mariam Maiorem, Anno Incarnationis
Dominicæ Millesimo Sexcentesimo Vigesimo
quarto tertio Non. Iulij, Pontificatus No-
stri Anno Primo.

Ho. Corsettus.
A. Matthæi.

Ferd. Beger.
M. Beger.

Loco † plumbi,



July 28 - 1862

To the
Hon. Secy of War
Washington
D.C.

Dear Sir
I have the honor to acknowledge the receipt of your letter of the 26th inst. in relation to the above named matter. I have the honor to inform you that the same has been forwarded to the proper authorities for their consideration. I am, Sir, very respectfully,
Your obedient servant,
J. M. [Name]

Junio 29 - 1872



Excmo Sr. D. Antonio
Cabrera de Hoya
a cargo de D. Jaime Cabrer

Excmo Sr. D. Antonio
Cabrera de Hoya, Coleccionista y
Director de la Oficina de Patentes de España




11210

120	3	004	
30	3	252	2345
300		12	678
360			123
		125	
		456	
		789	
		1368	
		272	22
		122	
		1	

11210
 2345
 678
 123
 125
 456
 789
 1368
 272
 122
 1







134 (1-2)